

"Lingue in bilico"

Ejempies concrec de tutela de la mendranzes te l'Europa. L liber de William Cisilino vegn prejentà en mèrtesc sera a Luserna

L sistem de stravedardament de la mendranzes ladina, mochena e cimbra te la Provinzia de Trent e l'ensegnament paritetich te la scoles ladines de la Provinzia de Busan i troa lèrga te anter i ejempies porté dant tel liber "Lingue in bilico. Buone pratiche nella tutela delle minoranze linguistiche in Europa", scrit da William Cisilino, president de l'Istitut Ladin Furlan "Pre Checo Placerean".

"Lingue in bilico" propon n viac te l'Europa di lengac travers ot ejempies concrec de tutela de la mendranzes. Se va dal projet "Volontères per la lenga catalèna" al cinema per furlan, dai pians de politica linguistica del

Galles a la promoziun del basch te la neva technologies; da Radio-TV Koper-Capodistria, emitenta per talian te la Slovenia, al model de protezion de l'araneis, e anterite apontin ence l sistem de tutela de la mendranzes ladina, mochena e cimbra te la provinzia de Trent e l sistem scolastich te trei lengac de Gherdena e Val Badia.

Apede ai ejempies touc en conscidrazion, tel liber troa lèrga la mapes de la desvaliva comunitàdes linguistiches e doi tesé fundamentèi su la tutela de la mendranzes te l'Europa: la "Chèrta europeèna di lengac



William Cisilino, autor de "Lingue in bilico".

regionèi o minoritères" e l document de la Comiscion europeèna "Una sfida salutare. Come la molteplicità delle lingue potrebbe rafforzare l'Europa".

L liber de William Cisilino vegn prejentà en mèrtesc ai 17 de november 2009 da les 20.30 te la senta de l'Istitut Cultural Cimbri "Kulturinstitut Lusern" per endrez del Servije mendranzes linguistiches de la Provinzia de Trent. A la prejentazion, apede a l'autor, tolarà pèrt ence l secreteur de Politica linguistica de la Generalitat de Catalunya, Bernat Joan.